

مسرحية الأطفال الغنائية الاستعراضية

مجود والأقزام السبعة

تأليف : تيسير عبدالله

ناصر محمد في :

مَجُود والأقزام السبعة

كتبها : تيسير عبدالله

2003 م

الشخصيات

- مجود : الطفل الذكي المعتدل في السلوك
- زمزوم : الساحرة الذكية الشريرة
- بشارة : الدمية الطيبة التي تساعد مجود على الانتصار على الشريرة
- سنود : الشرير الذي تسيطر عليه زمزوم ضد مجود ويساعدها في ذلك
- الأقزام السبعة : وهم
 - عصّوب : عصبي جدا .
 - ضحّوك : ضاحك جدا
 - غبّوي : غبي جدا
 - خووف : يخاف كثيرا
 - أكل : ياكل كثيرا
 - هذّور : يتكلم كثيرا
 - كسّول : كسلان جدا
- مجموعة من الاستعراضيين

الفصل الاول

اللوحة الأولى

الشخصية

الحوار

تفتح الاضواء على محل كمبيوتر صغير ونجد في خافية المحل مجموعة من الاقراص الليزرية التي تشتهر بها محلات الكمبيوتر ونجد جهاز كمبيوتر وضع على طاولة وكرسي امام الطاولة ويبدأ الاستعراض الغنائي الذي يتحدث عن اهمية الكمبيوتر في حياة الانسان وكيف سهل له احتياجاته وشئون حياته

تنتهي الاغنية لتدخل بعد ذلك المرأة الشريرة [زمزم] ويبقى معها بعض الاستعراضين حيث يبدو الخوف عليهم منها

يقاطعها احد الاستعراضيين

يسكت الكل وتمر عليهم وهي تنظر
لهم بقوة وكأنها تتفحص وجوههم

تقف عند ادهم وتراه متماسكا جدا وقويا

المحموعة

حیاکم حیاکم ول کام
نستانس نستانس ابکم
ملقاکم ملقاکم
ویاکم ویاکم

ياسلام يسلام للجهاز احلى سلام
كمبيوتر سهل اكثر واختصر مليون عام
الحياة صارت سريعة فيه الوان الطبيعه
والقراءة والكتابه والثقافة والنظام

تدخل العالم بزر
السياحة والسفر
قرية صرنا قرية وحدة هم واحد واهتمام
الخبر لحظة انتشر صغير لو مهما كبر
صورة تنتقل في شاشته
تحمل الصورة كلام

زمرزم
انا زمرزم .. زمرزم العبقريّة زمرزم
الداهية .. زمرزم

استعراضي
زمزم

نعم من قال فيكم الشريرة .. من قال
انا هو شريرة .. من قال اني الشريرة

زمرزم
انت قات ؟ لا انت .. لا انت ؟ عيونك
تقول انه انت ؟ انت

اكيد انتت .. انتت اللي قلت عني شريرة
 استعراضي
 أي انتتي شريرة .. ومغرورة بعد ..
 شريرة لانك ماتحبين الخير للآخرين
 ومغرورة لانك ماتشوفين الا نفسك
 زمزوم
 انا عبقرية ومافيه حد مثلي في الكون
 عبقري وذكي مثلي .. انا مو مغرورة ..

زمزم

انا ذكية وداهية الذكاء شفت اشلون
عرفت انك انت اللي قلت عني اني
شريرة

استعراضي انتي خربتني كل العاب الاطفال .. كل قيم
الكمبيوتر صاروا اشرار على يدك خليتي
الالعاب كلها شرية ومخالفة للقانون وكلها
قتل ودم ودمار .. مافيه ولا قيم طيب
كلهم اشرار والسبب انتي .. انتي الالعاب
اللي تبتكرينها كلها قتل ودمار هذا مو
ذكاء هذا شر .. انتي شريرة ومغرورة
انا شريرة ومغرورة سنود .. سنود

زمزوم

يدخل حينها مساعدتها سنود وهو
قوي جدي ولديه سلاسل حديدية

الاخ يقول عني شريرة ومغرورة استخدم
ذكاءك واشوف اش بتسوي فيه
نعطيه مكافئه !!

زمزوم

سنود

بغباء شديد

ياغبي .. هذا يغلط علي وتبي تكافاه ..
حط السلاسل في يده وروح قطه عند
الكلاب المتوحشة .. خلها تنهش جلده لين
يعتذر عن كلامه لي
ياالله اخذه ياسنود اخذه من وجهي

زمزوم

يسحبه سنود بالسلاسل الحديدية
وهو في طريق خروجه يقول لها

استعراضي شوفي يمكن تكونين ذكية لكن أكيد فيه حد
اذكي منك وانشاء الله يكون طيب منو
شرير مثلك
اخذه ياسنود اخذه وانتوا ياالله ذلفوا عن
وجهي ذلفوا

زمزوم

يخرج الكل وتبقى زمزوم لوحدها
وتتجه ناحية الكمبيوتر وتتحدث الى
الاطفال

انا زمزوم عبقرية زماني .. عقلي
اليكتروني .. هذا الكمبيوتر غبي جدام
عقلي وذكائي .. انا صنعت الكمبيوتر
ومافيه حد مثل ذكائي ..
انا اللي اصنع الالعاب وابتكر القيم واخلو
الاطفال يلعبون ويلعبون ويلعبون

زمزوم

نسمع نباح كلاب وصرخات انسان
يدخل حينها سنود وقد تشققت ثيابه

سنود بل موب كلاب هذي تقول اسود ..

يقتررب سنود من زمزوم وهي
تجلس امام الكمبيوتر

سنود وش فيها ذي .. ما احبها .. ما اداينها
لكن شغلي عندها .. شا اسوي .. اشتغل
عندها غصب علي انفذ اوامرها رغم انها
شريرة لكنها تعطيني فلوس والعباب

سنود تعال زمزوم

تشاهده وتتاديه

سنود نعم عمتي زمزوم ..

سنود صبح انا شريرة ؟ زمزوم

سنود لا من قال جذي صبح انك تسوين العباب

وقيم تلهي الاطفال عن الواجبات وتخليهم
يسهون عن صلاتهم وعن مدارسهم لكنك
انتي مو شريرة عمتي زمزوم

سنود شوف انا طلبت من جهاز الكمبيوتر مالي

يسوي لي بحث عن اذكي واحد في الكون

سنود لايتعب نفسه .. اذكي واحد هو عمتي

زمزوم

تضغط على جهاز الكمبيوتر الذي
امامها ونستمع الى صوت صادر
من الكمبيوتر

صوت الاذكي الاذكي .. الاذكي

زمزوم من الاذكي ؟؟ قول

صوت مجود !!!!!

تتظر زمزوم الى جهاز الكمبيوتر
وتضربه بقوة

زمزوم شنو ؟ مجود ؟ من مجود ذي .. طفل

يحب القراءة ويحافظ على الصلوات
ويهتم بدراسته ويساعد بقية الاطفال وهو
ذكي جدا جدا

سنود ايه مجود !! مجود !! نعم لا يكون مجود

ذلك الولد اللي يلبس قحفيه ويساعد اطفال
الفريج على المذاكرة

زمزوم مجود .. اسمه يدل على انه غبي ..

تقرلا من جهاز الكمبيوتر

اشلون الكمبيوتر الغبي يقول انه اذكى
مني .. سنود انت تعرف مجود زين
مازين !!!

سنود أي اعرفه هو طفل ذكي يساعد الاطفال
ويعرف معلومات وايد في كل شي ودايما
يشيل كتاب في يده

زمزوم اسمعني زين !! بس ما ابي اعرف عنه
اكثر الكمبيوتر حط لي صورته وكتب
لي المعلومات هذي كلها

سنود انا زمزوم انا مستحيل اقبل فيه حد
يكون اذكى مني .. انا الاذكى وانا
العبقريّة الوحيدة اسمعني ياسنود ابيك
تاخذ هذا اللي اسمه مجود بالحيله وتوديه
الغابه المظلمة اللي في اطراف المدينة
وتربطه وتقطه عند الكلاب المتوحشة

سنود يمه انا اخاف منها .. الغابه يطلع منها
اصوات مخيفة .. ما ابي الله يخليك ما
ابي

زمزوم اسمع ياسنود .. انت تشتغل عندي واذا ما
تنفذ اللي قلت لك عليه اقطك عند الكلاب
المتوحشة ..

سنود طيب انا انا باسووي اللي قلتي عليه لكن
باقطه في النهار لاني في الليل اخاف من
الغابه ما ابي ما ابي !!!

زمزوم اسمعني انا ما ابيك تقطه في الغابه وبس
تقطه عند الكلاب المتوحشة

سنود عند الكلاب المتوحشة ليش ؟

زمزوم ياغبي .. عشان اتخلص منه .. واصير
اذكى وحده في الارض ..

سنود يمه انا اخاف .. ما ابي ما ابي

زمزوم تعال ياغبي .. اسمع الخطة تعال .. سنود
تعال

يهرب سنود وتلاحقه زمزوم

يهرب وتخرج وراءه

اظلام

اللوحة الثانية

مجود وهو في وسط مجموعة من
الاطفال في وسط الصالة وهو
يستعرض معهم ذكاءه وثقافته
ومعلوماته

مع مجود الدمية بشارة التي
تشاركه اللعب مع الاطفال

مجود
انا مجود الطفل الذكي اللي يقرأ الكتب ..
كل الكتب بالذات الكتب الدينية .. انا ذكي
والحمد لله على نعمة الذكاء تبون تعرفون
ذكائي .. من منكم يعرف اسم صوت
القلم ؟

يأخذ راي الجمهور من الاطفال
ويساعده في ذلك بشاره

بشاره
مجود الذكي يعرف .. شنو صوت القلم
يامجود

مجود
صوت القلم صرير !!

بشارة
وشنو صوت القط ؟

مجود
مواء

بشارة
وشنو صوت الضفدع

مجود
نقيق

بشاره
وشنو صوت الغراب

مجود
نعيق

بشارة
صفقوا للذكي مجود .. مجود انت اشلون

صرت ذكي

مجود
انا احب اقراء واحفظ المعلومات واركز

في المعلومة وافكر فيها

الذكي هو اللي يعرف كيف يتصرف في

المشاكل .. الذكي هو اللي يحافظ على

الصلوات في اوقاتها لانه يطيع الله

سبحانه وتعالى لان الله هو الخالق الرازق

صح !!!

بشاره
ياسلام عليك بامجود شنو بعد تعرف

مجود
انا اعرف الكمبيوتر والانترنت والقيم

والرياضيات واحب الرياضة واشوف

التلفزيون وانا شاطر في المدرسة واسمع

كلام المدرسين واحترمهم وقبل هذا اسمع
كلام ابوي وامي

هنا يأتي الى صالة الجمهور كل
من سنود ومعه الشريرة زمزوم
وقد حمل سنود كاميرا تصوير
تلفزيونيه وزموم تتقمص دور
المذيعة وتتكرر في ذلك

زموزم مرحبا انا المذيعة زوزو واحب اعمل لقاء
مع الطفل الذكي مجود وراح اسأل مجود
اسئلة اذا جاوبها اخذه معاي في رحلة الى
مكان جميل
سنود وين بتاخذينه اخذيني معاه
زموزم اسكت ياغبني .. باوديه عند الكلاب
المتوحشه عشان اتخلص منه
مجدود يقولون عنك ذكي ممكن اسئلك
بعض الاسئلة
مجدود تفضلي بس شنو جائزتي
زمزوم باخذك في جولة سياحية الى المدينة والى
المدينة الترفيهية
مجدود انا احب الاماكن السياحية والترفيهية ..
انا مستعد للاسئلة تفضلي
زمزوم السؤال هو ماذا يوجد في وسط قطر
مجدود حرف الطاء
زمزوم صح مجود صح طيب سؤال ثاني كم
رجل للنملة
مجدود للنملة 6 رجول
زموزم لا 7 رجول
مجدود لا انتي غلطانه للنملة والفراشة بعد 6
رجول 2 في الامام و2 في الوسط و2
في الخلف راجعي كتاب العلوم وتشوفين
اجابتي صحيحه
زموزم طيب جاوب على ثالث سؤال واخذك
معاي في الجولة الترفيهية
مجدود انا موافق انا مشتاق ارواح الاماكن
السياحية
سنود طيب خليني انا ارواح وياه ..

تهمس له وبشارة يسمعهما

زموزم .. قلت لك هذا باوديه عند كلابي
المتوحشه يمزقونه واتخلص منه واصير
اذكى ذكيه في العالم
موجود ماهو الشي اللي يتكلم كل لغات
العالم

موجود الشئ هو الصدى اذا تكلمنا يرد علينا
نفس الكلمات الصدى ويسمونه التردد
زموزم صح ياموجود ياذاكي انت تستحق الجولة
ياالله تعال معانا

بشارة لا ياموجود هذيل اشرار .. لاتصدقهم ..
روح اهرب منهم
موجود انا كنت حاس فيهم انهم اشرار .. شكرا
بشاره شكرا صديقي

زموزم سنود وين بتروح تعال

يهرب موجود من الاشرار

يهرب بشاره وراءه ويهرب سنود
وراءهما وتهرب زموزم وراءهما

إظلام

اللوحة الثالثة

تفتح الاضاءة على بيت كبير واسع
في خلفيته غابه حيث نرى الاشجار
من خلال النافذه

مجود يدخل الى البيت ونرى فيه 7
اسرة صغيرة الحجم وهي للاقزام
السبعة ساكني البيت ونجد بعض
الفؤوس والملاحق الكبيرة وهي
معلقة في جدار البيت

ونجد طاولة تتوسط البيت وبجانبيها
7 كراسي غير مرتبة

بشارة يدخل مع مجود ويجدان
المنزل خاليا

ادخل يامجود البيت امان محد فيه
هذا بيت من ؟ مايصير ندخل البيت بدون
اذن اصحابه

هذا بيت قديم في طرف الغابه محد يسكنه
شوفه اشلون مكسر ومخرب وكله فوضى
وانت تظن يابشاره ان الاشرار مراح
يعرفون مكاني

انا استبعد يعرفون مكانك لانه هذا بيت
مهجور محد يجيه وانا راح اشيع في
البلده انك ضعت وان اسود الغابه مزقت
جسمك واختفيت للابد وراح اساعدك لين
نكشف الاشرار ونقدمهم للشرطة بس قول
انشاء الله

انشاء الله . . انا ما اعرف اشلون اشكرك
يابشاره صج انك صديق وفي لكل
الاطفال

الله يحفظك يامجود يا اذكي طفل في
المدينة

يذهب بشاره ويبقى مجود في
المنزل الذي يراه قذرا غير مرتب
ويبدأ في تنظيفه وترتيبه من جديد
ويعيد الاسرة الى اماكنها والمخدات

والكراسي الى اماكنها ويرمي
بالاوساخ في صندوق القمامة
وهو يتساءل بينه وبين نفسه
بصوت مسموع

سبعة دواشق وسبعة كراسي و7 اطباق
و7 كاسات ليش 7 .. ليش مو 6 او 5 او
10 اشمعني 7 بس !! من عايش هني ..
من اصحاب البيت والا ماله صاحب ..
وليش هذا البيت في الغابه .. انا بديت
اخاف .. بسم الله الرحمن الرحيم بسمك
العظيم الاعظم الاعز الاجل الاكرم يارب
.. احفظني واحرسني بعينك التي لاتنام
يارب

يستمع الى صوت ضجيج قادم من
الخارج واصوات متداخله
فجأة يدخل الى المنزل 7 اقزام
واحد تلو الاخر ويختفي مجود
بسرعة خلف الطاولة الموضوعه
في الطرف
يتوقف الاقزام السابعة ليشاهدوا
منزلهم وقد تغير واصبح مرتباً
وهنا يتم الحوار بينهم كل حسب
طبعه واسمه

اصدقائي انا خائف أظن ان فيه حد دش
بيتنا !! البيت متغير وهذا اللي مخوفني
انت على طول خايف .. ياخووف ها ها
.. من شنو ما ادري .. ها ها لا يكون
دش بيتنا فيل والا اسد والا نمر والا
حمار وحشي
لا لا اكيد هذا اللي دش بيتنا عنده ذوق
لانه رتب البيت هذا اسد ولد ناس ها ها
انت ما ادري ليش تضحك !! يا ضحوك
اووف بديت اعصب ابي اعرف من حط
المخدة غلط هذا لو انا اشوف اللي لعب
في سريري شلخت وجهه
بس انت كله عصبي يا عصب .. هذا
اكيد واحد غريب ضايع في الغابه وهو
ما يدري انه هذا البيت بيتنا ايه بيتنا ..

خوف

ضحك

عصب

هذور

طبعاً بيتنا بيت الاقزام السبعة أي السبعة
واحدنا مانجيه الا في النهار لان الليل كلنا
نطلع نشتغل في الغابه أي في الغابه ..
اكيد في الغابه كلنا ايه كلنا طبعاً كلنا ..
احنا السبعة ايه السبعة مو 8 ولا 6 احنا
سفن يعني 7

كسول بل .. اشتغل هذور وش يسكته عاد
بصراحة هذا اللي جانا سوى فيني خير
رتب سريرى وانا من سنتين مارتبته
اووف صعب ترتيب السرير ..

غبوي طول عمرى كسول ياكسول عيل وين
اكول اكيد قاعد يلعب اصلاً كل واحد
اكول يحب يلعب

اكول انت غبوي وماراح تكون الاغبوي اللي
ياكل يا حظي مايلعب .. انا بصراحة ودي
اشوفه هذا عشان اطقه طق

ضحك ليش تبى تطقه ؟
اكول لانه مايطبخ شي انا جوعان ابى اكل
عصوب اشفيك يا اكول انت صرت مثل غبوي ..
لا يكون يشتغل عندك خدامه يا الله اسكت
عاد والا شلخت وبيهك

ضحك ها ها .. بصراحة انت وياه مو صاحيين
.. المهم يا اصدقائي خلونا ندور على
الشخص اللي دش بيتنا

يا الله الجميع

يبدا الكل بالبحث في المنزل عن
الشخص الذي دخل الى منزلهم
لحظات قلق تمر ونرى عصوب
وهو يبحث بشكل عنيف والكسول
فيه بطء شديد والخوف يبحث
بخوف والضحك يبحث وهو
يضحك على الآخرين والاكول
يبحث وهو يأكل غبوي يبحث وهو
يتسائل عن سبب بحثهم
مجرد يخاف كثيراً ليجده هذور
متخفياً خلف الطاولة

هذور يا .. كنه هذا هو يا اصدقائي .. اظن اني
شفت اللي تدورون عليه يا .. كنه هو

يأتي الكل ليجد مجود وقد تكوّم
تحت الطاولة
يخرجه عسوب من تحت الطاولة

مجدود السلام عليكم انا مجود !!
عسوب اش عندك هني .. ليش داش بيتنا ها !!
ضحوك اش عنده !! اكيد هذا مضيع بيته
غبووي هو مضيع والا ضايع !!
كسول يا اذا هو اللي رتب سريري باصير
صديقه عا الاقل يرتب سريري كل يوم
خووف شكله يخوف لايكون حرامي
هذور يا .. صبروا طيب خلونا نسأله .. ليش
جاي وش حقه وش له وعشان شنو ..
لا خلونا نسأله يعرف يطبخ والا لا ؟؟
الجميع قول من انت !!
مجدود انا مجود .. وفيه اشرار بيون يتخلصون
مني .. سامحوني دخلت بيتكم بدون
استئذان لكني محتاج .. انخش عندكم ايام
قليله وارجع لبيتنا ممكن تخلصوني اقعد
عندكم وراح اساعدكم في ترتيب بيتكم
بشرط تحموني من الاشرار الله يخليكم
..كلها كم يوم وراحه المدينه .. الله
يخليكم .. باين انكم طيبين الله يخليكم

أكل ها لابد نشوف راي الاقزام كلهم اذا
واقفوا نخليك تقعد عندنا ونحميك من
الاشرار
مجدود على فكرة راح اطبخ لك شيكن برغر
ببيض العيون واحط كاتشب
بصراحة تعجبني شخصيتك قويه
اقولك نكته يقولك واحد راح للدكتور
خايف قال للدكتور الحق يادكتور ولدي
الصغير بلع قلم
رد عليه الدكتور بسيطه اشتر له قلم ثاني
خخخخ
بصراحة انت شكاك يقول انك غبي لكنك

يخاطب اكل

يخاطب عسوب
يخاطب ضحوك

يخاطب غبووي

ذكي جدا
انا راح اساعدك في ترتيب سريرك
واغسل صحنك بعد
انت شجاع بس غلط يسمونك خووف
اووه هذور انا عندي سواف وايد باقولها
لك بعدين

عصوب
لو سمحت يامجود انتظرننا شوي خلنا
نشوف موضوعك نخليك عندنا او نطردك

عصوب
ها اشرايكم .. نخليه عندنا اللي يقول آيه
يرفع يده واللي يقول لا ان رفع يده
كسرتها اوكي وافقنا كلنا الولد يتم عندنا
ويبقى تحت حمايتنا

خووف
شوف مجود وافقنا كلنا تقعد عندنا بس
بشرط

مجدود
غبوي
شنو الشرط
احنا نطلع نشتغل في الغابه في الليل وننام
في النهار انت نببيك تشتغل في الليل
وتحرس المكان في النهار

مجدود
غبوي
يا .. ومتى انام
ما ادري شوف لك وقت غير الليل وغير
النهار

مجدود
غبوي
طيب .. خلاص انا راح انام في القيلولة
ولو اناي ما ادري شنو القيلولة لكن وافقنا
خلاص ..

يخاطب كسول

يخاطب خووف
يخاطب هذور

ياخذهم جانباً ويتحدث لهم
يقولها بعصبيه بدون ان يأخذ رأيهم

يعودون لمجود

يفرح مجود ويبدا يحتضنهم فرحاً
وسعيداً

إظلام

اللوحة الرابعة

تفتح الاضاءة من جديد على محل
الكمبيوتر لنجد زمزوم وهي تجلس
ومعها سنود
ونلاحظ بشاره مختفي في الجانب
ويسمع حوارهما

الحين باسأل الكمبيوتر عن اذكى واحد
في الارض اكيد انا بعد ما اختفى مجود
اكيد انتي .. من اذكى منك محد

زمزوم

سنود

تضغط على جهاز الكمبيوتر
ونسمع الصوت

انتى ذكيه لكن فيه واحد اذكى اذكى اذكى
منك

صوت

من بعد اذكى منى .. من ؟ سنود انت
ماقلت لي ان مجود كلته اسود الغابه
واختفى خلاص

زمزوم

بعصبية شديده

اكيد اختفى .. الديرة كلها تعرف انه
مختفي من اسبوع ولا له خبر اكيد
الاسود تفطرت فيه واشبعت منه بعد !!

سنود

مجود اذكى انسان في الارض .. مجود
اذكى انسان الارض مجوود ...

صوت

تغلق الجهاز

الكمبيوتر مايعرف يكذب مثلك ياسنود
يالكذاب مجود مازال موجود .. مجود
مازال موجود .. سنود .. قوم خلنا ندور
على هذا اللي اسمه مجود .. قوم والا
اقتك عند الكلاب المتوحشه

زمزوم

بشارة يشاهد هما ويسمعهما

انا لازم انقذ صديقي مجود

بشارة

نهاية

الفصل

الفصل الثاني

اللوحة الاولى

تفتح الاضاءة على منزل الاقزام
السبعة وقد تحول الى مكان فيه
الزينة والورود وكأنه استعداد
لاقامة حفل في المكان

ويبدأ الفصل على شكل اغنية
مشتركة يغنيها الجميع وتركز على
الاخلاق والطبائع الجيدة وغير
الجيدة .

المجموعة راعي الطبع راعي الطبع
مايجوز عن طبعه
الا اذا كان الطبع
مضرّة ال ربعه

مجّود وكلّ شي وكلّ شي ايزيد عن حده
ابينقلب لحظة ترى ابينقلب ضده
خير الامور اهي الوسط
كل من يقلل او فرط
والادمي لقمة خبز واللّمة اتشبعه

وهنا يقوم مجّود بتركيب الزينه
ويساعده في ذلك الاقزام جميعهم
ونلاحظ ان الاقزام تبدلت طبائعهم
قليلا

نلاحظ كذلك وجود سلم من اجل
التركيب ويقوم الكل بعملية الزينه
بمساعدة مجّود

المجموعة راعي الطبع راعي الطبع
مايجوز عن طبعه
الا اذا كان الطبع
مضرّة ال ربعه

مجّود خلك عدل وامشي حياتك مع تدل
لاتكون يابس تتكسر او تتعصر اذا سهل
وامشي مثل راعي المثل

المجموعة راعي الطبع راعي الطبع
مايجوز عن طبعه
الا اذا كان الطبع
مضرّة ال ربعه

خووف يبدو عليه الخوف من
السقوط من السلم

مجّود ياخووف .. لاتخاف الا من الله سبحانه
وتعالى اشتغل وكل شي يصير لك مقدر
ومكتوب

خووف	كلامك صحيح يامجود وانا قاعد اتشجع شوي شوي .. عاد مو مرة وحدة
مازال يهذر	هذور انشاء الله بتكون حفلة حلوة بوجود مجود اكيد بتكون حفلة حلوة موسم الحصاد مهم واحنا اول مرة نحتفل فيه أي نحتفل فيه .. اووه بتصير خووش حفلة انا متأكد
يقاطعه	مجود بسك هذره .. ياهدور خير الكلام ماقل ودل .. الناس تملّ منك بعدين اذا كثرت هذره واذا تكلمت وايد تغلط وايد والمثل يقول اذا كان الكلام من فضة السكوت من ذهب
يتراجع	هذور انشاء الله انشاء الله
بعصبية شديدة	عصوب بسرعة ياخي بسرعة بسرعة خلصونا بسرعة
يهدئه مجود	مجود وش قلت لك يا عصوب العصبية ماوراها الا الخسارة خلك هادي
يحاول ان يكون هادئا.	عصوب قلت لكم .. بسرعة نبي نخلص الزينه نبي نحتفل ونغني بسرعة !!
	أكل اللي اهم من الحفل الاكل .. مايصير حفلة من غير اكل
	مجود اكول .. فكر في اشياء اهم من الاكل .. نحن قوم لانهيش كي ناكل بل نأكل حتى نعيش .. مقوله مهمة فكر فيها على فكرة حتى البهايم والحيوانات تاكل لكن التفكير هو اللي يخليك انسان مو الاكل
اكول	كلامك صحيح .. بس انا شوي جوعان شوي

- بغباء غبوي
 انا ما ادري ليش الواحد اذا جاع لازم
 ياكل .. طيب اذا جاع يروح يشرب
- مجبود غبوي استخدم عقلك لاتعطل التفكير
 عندك .. الله عطاك عقل عشان تستخدمه
- ضحك يا .. هذا غبوي من انولد وهو جدي
 يقولك غبوي مرة كان يحب الهدوء شري
 شريط فاضي .. ها ها ها
- مجبود ضحك .. الضحك من غير سبب من قلة
 الادب .. الضحك زين بس في وقته ..
 وماتتطنز على غيرك كم مرة اقولك
 الكلام هذا .. انت ترضى حد يضحك
 عليك ويخليك مسخرة
- يخرج ضحك ضحك
 كلامك صحيح يامجبود .. لا ما ارضى
 طبعا ما اقبل .. واوعدك انشاء الله ابتعد
 عن هذي العادة
- كسول يالله عاد .. تراني مليت ابي ارتاح
- مجبود كسول ما في شئ اسوء من الكسل ..
 المثل من جد وجد ومن زرع حصد
 ياكسول .. الحياة تحتاج تعب وشغل مو
 خمول وكسل
- كسول كلامك صحيح يا صديقي العزيز مجبود
 وانشاء الله اوعدك اني اكون نشيط مثلك
- مجبود ماشاء الله عليكم يا اصدقائي بصراحة انتوا
 مثل طيبين وحسيت عندكم بالامان
- خووف وانت يامجبود ماشاء الله عليك سويت لنا
 الحفلة هذي بمناسبة موسم الحصاد
 وخليتنا نفرح ونستانس
- تدخل في هذه اللحظة زمزوم وقد

تتكرت في ملابس مطربة [زيزي]
[ومعها ستود وهو يحمل معه
جيتارا بلاستيكا دلالة على انه
عازف معها

زمزوم مرحبا .. انا المطربة زيزي ومعاي
الموسيقى سي سي وجيناكم عشان نغني
في حفلة الحصاد

مجود يفتح عينيه متنبها الى الحيلة
الجديدة التي تقوم بها الشريرة
زمزوم وقد عرفهما جيدا

مجود زيزي و سي سي .. ايه .. انتوا من ؟
وش دراكم بموعد الحفلة من دعاكم

زمزوم احنا !! قرينا عن الحفلة في الجريدة قلنا
نشارك الحلوين فرحتهم .. وببلاش مانبي
شي ..

تتلعثم .. وتتردد

ستود وش .. وش تبينا نغني لكم .. احنا
جاهزين

يبدأ مجود بالتفكير اكثر

كسول جايبين بدون دعوة .. على كيفهم مدام
ببلاش خلهم يغنون وش تبون يغنون لنا
زيزي وسي سي

عصوب انا ابي اغنية سريعة
ضحوك وانا ابي اغنية تضحك
هدور وانا ابي اغنية طويلة وفيها كلام وايد

كسول وانا ابي اغنية هادئة وترقطني
غبوي شنو يعني الاغنية شئ ياكلونه ؟

خووف انا ابي اغنية فيها فرفشة
اكول وانا ابي اغنية لا ما ابي اغنية متى الاكل
بتحطونه ..

زمزوم بعد مانغني لكم احنا عازمينكم وجايبين
لكم كيك وعصير فراوله حلو جدا

وفرش جدا تدرون ماتصير حفلة الا اذا
فيه كيك وعصير

ليش ماخليتتي اكل كيكه يازمزوم ؟

ستود

بغباء وبهمس

يامجنون .. الكيك مسموم فيه سم
والعصير فيه منوم .. نبي الاقزام ينامون
ونقضي على مجود عشان اتم انا الذكيه
الوحيدة في هذا العالم
طيب .. ليش ماتعيشين انتي .. وتتركين
مجدود هم يعيش انا اشوف انه طفل طيب
وذكي

زمزوم

تهمس له

ستود

انت تسكت لاتقول عنه ذكي انا اذكي منه
والحين اذا نجحت خطتي هذي راح انهي
مجدود هذا .. وانا اصير اذكي ذكية

زمزوم

الله يالغيرة وش تسوي .. انا ادري هذي
غيرة وما راح يدمرنا الا غيرتك الجنونية

ستود

يحدث نفسه

ياالله سمعينا صوتك يامطرربة زيزي
سمعينا وعلى فكرة اسم زيزي يضحك ها
ها

ضحوك

تبدأ زيزي بالغناء مجموعة من
الاغاني الشهيرة بشكل سيئ جدا
امام ضيق مجود واشمئزازه من
صوتها
واثناء الغناء يدخل بشاره الدمية
ويجلس ويشاهد مايحدث وكأنه قد
عرف مايحدث .
مجدود يذهب الى بشاره ويهمس له
ويذهب الى الاقزام واحدا تلو
الاخر ويهمس لهم فيجيبونه
بالايجاب وكأنهم اتفقوا على شئ
تنتهي زمزوم من الغناء ويصفق
لها الجميع

مجدود ياسلام .. الحقيقة صوتك مو حلو لكن

احنا سعيدين انك شاركتينا الفرحة اليوم

زمزوم شكرا لك .. قالو لي عنك يامجود انك
طفل ذكي جدا

مجود الذكي مو اللي عنده معلومات وبس الذكي
اللي يستخدم ذكاهه في فعل الخير ويحسن
التصرف والمعامله مع الناس
ايه صحيح .. زمزوم

بشارة مجود ذكي وانت ذكية ليش ماتسوون
مبارة في قدرات الذكاء بينكم يازيزي
اشلون ؟ مجود

بشارة انا عندي راي .. نسوي مسابقة ذكاء بين
المطربة زيزي وبين مجود واللي ينتصر

زمزوم ياكل الكيكة ويشرب العصير بالاول وانا
اتحداك يامجود ..

تقاطعه

مجود ها .. طيب انا قبلت التحدي يؤشر على
بشارة والاقزام وكأنه بدا في تنفيذ الاتفاق

ياخذ بشارة كتابا ويبدأ يأخذ منه
اسئلة وي طرحها على الجانبين
زمزوم ومجود ونلاحظ ان ستود
يشجع زمزوم والاقزام يشجعون
مجود

بشارة سؤال من هي المرأة التي تلقب بذات
النطاقين ؟

زمزوم ها !!

لا تعرف

مجود اسماء بنت ابي بكر رضي الله عنها

بشارة سؤال معلومات عامة ماذا يلقب الشخص
الذي لايعرف القراءة ولا الكتابة
مجنون زمزوم

يصفق الاقزام لمجود

احصل على كتاب الذكاء اللي عند مجّود
.. مجّود ممكن تخليني اشوف كتاب
الذكاء هذا بس ابي اشوفه

مجّود بشارة روح هات كتاب الذكاء اللي انا
خاشه انت تعرف مكانه .. روح هاته

يؤشر مجّود على بشارة بذكاء
ويخرج بشارة

ستود والعصير يازمزوم اقصد يازيزي العصير

اكول أي صج وبين العصير نبي نشرب
العصير وناكل الكيك

زمزوم عط الاقزام الحلوين العصير وبعدين
مجّود ياكل الكيك

مجّود انا ما راح اكل كيك الا لما يجي صديقي
بشارة عشان يشاركني في الاكل

يخرج ستود لهم العصير ويعطيهم
اياهم ويشربونه الاقزام وينامون
الواحد تلو الاخر مع ارتفاع
ضحكات زمزوم وستود

زمزوم حلو العصير صح .. قلت لكم فرش

مجّود وش سويتي حق اصدقائي الاقزام
ياشريرة ..

ستود الاقزام ناموا .. وما راح يصحون الا بعد
اسبوع .. نوم العوافي يا حبابي

زمزوم وستود يحيطان بمجّود
ويحاصرانه من اجل الامساك به
يختفي خلف الاسرة وبحركات
كوميديّة يتمكن من الافلات منهما
اكثر من مرة
يحاول مجّود الافلات منهم لكنهما
ينجحان في الامساك به في النهاية

مجّود اشفيكم .. اش تبون مني

زمزوم معقوله ذكاءك الكبير ماخلاك تعرف من
انا .. انا زمزوم اللي تكرهك وما راح
تخليك تفرح بلقب الاذكي .. انا الاذكي
وانا لازم اقضي عليك

مَجُود يمكن يكون مهم ان الانسان يصير ذكي
ويستخدم مخه في الذكاء لكن الاله مهم يكون
انسان مايضر الاخرين ويستخدم مخه من
اجل خدمة الاخرين

زمزوم خل نظرياتك هذي لنفسك

يمسكه سنود بقوة وتبدأ زمزوم بشد
الحبل على مجود

سنود وين نوديه يا زمزوم

زمزوم قول يا اذكي ذكيه على الارض ياغي

سنود ومجود هو الاذكي

زمزوم مجود راح من صيد امس !! مجود انتهى
وكلاي المتوحشة راح تتغدى فيه اليوم
يعني ما راح يبقى ذكي الا انا

سنود وانا علي الكاتشب خخخخخخخ

الاقزام وهم يردون عليها وكانهم
يتحدثون وهم نائمون وكانهم
يريدون مضايقتها بعض الشي
وبالفعل يلفتون انتباهها بشكل
كوميدي

ضحك يا مغرورة يا زموزم
عصوب يا شريرة يا يزي
غبوي يا غبيه يا زوزو
هتور يا متوحشة يا زازا
خوف يا جبانة يا زفزف
كسول يا كسولة يا ززن
اكل يا طماعه يا زرز

تستغرب زمزوم من هذه الاصوات
وتكتشف ان الاقزام يتحدثون اثناء
نومهم
بذكاء ينقذ الموقف

مجّود لا هذي الاقزام يتكلمون وهم نايمين ..

تصدق ذلك

ايه .. انا قلت جذي
زمزوم انا خايف ..
ستّود لاتخاف .. مادام انت مع زمزوم لاتخاف
ابدا
مجّود لحظة قبل ماتاخذوني .. انتي نسييتي
كتاب الذكاء ماتبين كتاب الذكاء

تتوقف زمزوم وتوقف ستّود عن
سحب مجّود

زمزوم أي صج كتاب الذكاء وينه ؟

ستّود راح رفيج مجّود عشان يجيبه ..

زمزوم راح ننطره !!

ستّود خلينا نروح مانبي الكتاب .. كانت خطتك
نمسك مجّود وهاكو مسكناه خلينا نروح
انا خايف

زمزوم قلت لك لاتخاف .. انا زمزوم وافكاري
مضبوطة .. خل رفيجه يجيب الكتاب
ناخذه منه وناخذ رفيجه وياه ونقطهم عند
الكلاب المتوحشة ونتخلص منهم

يقوم القزم عصّوب من مكانه
ويتحرك ومن ثم يقوم القزم الثاني
وبعد ذلك يقومون كلهم من
اماكنهم ويقتربون من زمزوم
وينظرون لهما وينامون ثانيه

ستّود يمه .. انا صرت اخاف منهم

مجّود لاتخافون بعض الناس يتحركون وهم
نايمين انتوا نايمين صح ياشباب

بذكاء

يردون عليه

الجميع صح !!!

تبدأ زمزوم بالخوف كذلك

زمزوم

سنود .. كلامك صحيح .. قوم خلنا ناخذ
مجدود .. ومانبي الكتاب انا شاكك ان
مجدود قاعد يلعب علينا قوم

يسحبون مجود لكن في هذه اللحظة
يدخل بشارة ويحمل في يده كتابا
ومعه بعض رجال القرية الذين اتوا
لانقاذ مجود من ايادي الاشرار

بشارة

هذي هي الشريرة زمزوم وهذي
مساعدها سنود اقبضوا عليهم

يتجه الجميع للقبض عليهما وهنا
يقوم الاقزام من رقادهم ويساعدون
رجال القرية بالقبض على
الشريرة زمزوم

زمزوم

انتوا مو نايمين ؟

مجدود
الاقزام مو نايمين لانهم ما اشربوا العصير
المنوم طبعا كنا عارفين من البداية انك
مو مطربة لان احنا ما اعلنا في الجريدة
وانتي ظنيتي ان احنا اغبياء وتفتوت علينا
هذي الكذبة وهذا واضح ومايبي له ذكاء
ياذكبه

سنود

طلع مجود اذكى منك يازمزوم ..
وغباءك ودانا في داهية

مجدود

وغباءك بعد خلاك تصدقين انه في كتاب
ذكاء .. وهو الذكاء في المخ وفي حسن
التصرف مو في مجرد كتاب
انا يازمزوم وقعت في المرة الاولى لكن
لايلدغ المؤمن من جحر مرتين

زمزوم

انا اذكى منك ومافيه حد اذكى مني !!

بشارة

انتي مو بس غبيه انتي مغرورة بعد

مجّود يا اهالي القرية .. هذي شريرة وانا ادري
انها قاعد تدمر كل العاب الاطفال
وتحولهم الى العاب شريرة وماتخلي
الاطفال تتمتع فيها .. وايضا هذي وحده
عدوانية وماتحب الخير للآخرين وارجو
انكم تتصرفون وياها وتسلمونها للشرطة

ياخذها اهالي القرية ويسحبونها
ومعها سنّود الذي يحاول ان
يستغيث لكن دون فائدة

بشارة وانت ياسنّود خطئك انك تتبع هذي
الشريرة اللي ماخلت لك راي ولازم تدفع
ثمن ذلك

يخرجون ويبقى مجّود ومعه بشاره
واصدقائه الاقزام

مجّود وانا ما اعرف اشلون اشكركم يا اصدقائي

عصّوب احنا اللي لازم نشكرك لانك طفل ذكي
وايد وغيّرت فينا اشياء وايد

هذّور وبصراحة نبيك تعيش ويانا انت حولت
حياتنا الى شي مهم باخلاقك وذكاءك

مجّود لا .. انا لازم اروح لاهلي وناسي
وقريتي وانتوا اتمنى لكم التوفيق وراح
ازورك مرة ثانية وانصحكم تكونون
معتدلين .. وسط في كل شي لان
المغالاة في الشي مضارة اكثر من منفعة

خووف مع السلامة يا صديقنا ..

ضحّوك راح نفتقدك يا مجّود يا ابو العقل الكبير
ياللي دمك خفيف وتقول نكت حلوة

يحتضنهم ويحتضنونه ويغنون معا
اغنية النهاية التي تعبر عن
استخدام الذكاء في شي مفيد ونافع

بدلاً من استخدامه في مضرة الناس

المجموعة منهو الذكي .. منهو الذكي ؟

مجود
اللي يشغل العقل
واللي مشى دربه عدل
اهو الذكي اهو الذكي

منهو الذكي .. منهو الذكي ؟

مجود
اللي يعامل بالحسن
يساعد الشبيه المسن
اهو الذكي اهو الذكي

منهو الذكي .. منهو الذكي ؟

مجود
اللي كلامه متزن
وقت الفرح وقت الحزن
اهو الذكي اهو الذكي
منهو الذكي .. منهو الذكي ؟

مجود
اللي يحاسب للزمن
ويحب اهله والوطن
اهو الذكي اهو الذكي
اللي يتأسف لو غلط
في كل اموره بالوسط
اهو الذكي اهو الذكي

ختام

تيسير عبدالله
2003 م